

氣 象 消 息

二十四年九月份

國 內

寒

東北氣候陡寒，長春七日晨落雨，繼飛雪，迄午後三時始

止，街道泥濘。氣溫低降，入夜有衣裳者。（天津九日專

電）

北平氣候自十一日起轉涼，十二日秋風砭骨，儼如初冬，入晚尤寒，可着棉衣，時令不正，疫癘盛行。（北平十二日電）

津市天氣突轉寒冷，十一日晨狂風不已，街上行人着夾衣，尚覺不暖，市面因受風雨寒冷影響，蕭條之至。（天津十二日電）。

雪

張垣及附近地帶，昨晚八時起突降大雪，至十二時始止，平地積雪頗厚，氣候益趨嚴冷，居民衣皮裘棉襖禦寒，此為該

地入秋後初雪。（北平十三日專電）

關外陡寒，長春，吉林，哈埠，雪降甚大，入晚人皆皮衣。（天津二十五日專電）

熱

上海自九日晨大風後，近三日溫度均高至華氏九十五度以上，且入夜不涼，為近年所罕見。（上海十一日下午十時發

專電）

南京市氣候酷熱，自七日至十一日五天溫度均高至攝氏三十五度以上，其間九日下午溫度竟升至攝氏三十八度合華氏百度又十分之四，創南京九月份最高溫度之新紀錄。

徐州氣候，邇來酷熱，午達華氏九十八度，咸謂盛暑不過如是。月餘未落透雨，熱燥異常。徐西南各處，秋禾盡已早萎，一部農民，

雖在盼雨，無敢祈求者，與黃流被災人民，恰成矛盾現象。蘇北農民，處此旱澇交迫中，均陷窮困。（中央社徐州十一日電）

電

綏東涼城縣二區地方，近遭雹災，縣長馬顯德十八日電省府報告，據稱雹大如卵，降二小時，厚積五寸，被災田禾二百頃。（綏遠十八日下午十時專電）

旱

今歲水災聲中，南北巨浸橫流，獨皖北二十餘縣，遭罹旱荒，三數月內，未獲大雨，秋季乾燥，亢旱益烈，尤以阜陽，太和，霍邱，亳縣，渦陽，蒙城，壽縣，鳳台，懷遠一帶，荒旱為最重。秋季農作物，如黃豆，高粱，芝麻，綠豆等類，或則顆粒未收，或則僅收一二成，秋既歉收，小麥播種更不易。農民望霓蹙額，心焦如焚，與水區災黎所受之痛苦，適成反比例。（蚌埠二十日通信）。

豫省固始縣，自夏徂秋，迄未降雨，赤地千里，哀鴻遍野。（濟南通信）

淮浦四旬未雨，豆已全枯，顆粒無收，麥亦下種維艱，水旱交迫，農村益將破產。（清江浦二十八日中央社電）

國 外

日本大阪
暴雨為災

大阪府因今晨大雨，浸水房屋達五萬戶。又大和川之水勢現達四米，住吉方面將有危險。

（大阪二日電通電）

日本關東
大水為患

以利根川為中心，向關東平野一帶展開之空前大水災，直至二十六日午後水勢漸形減少，但各地方之損失總計將達數千萬元。羣馬縣之此次水災損失最鉅，

為明治四十三年以來之大水災。（東京二十六日聯電）

美國風災
嚴重

西鑰附近諸島昨遭暴風，聞死亡人數約有四五百人之多。（米阿米四日路透電）

英倫三島
烈風爲災

昨夜英國三島皆有烈風，今日午後仍在怒號，今晨陸地風力每小時達七十三哩，南部海濱一帶，每小時達八十哩，海濤高掀，海濱茅屋均被捲入海中。西黎島之風力，竟達每小時九十三哩，損失以船舶最甚。（中央社倫敦十七日路透電）

古巴颶風
損失調查

古巴海岸日前遭颶風襲擊成災，頃據調查計死亡三十九人，受傷五十餘人，若干地方家屋毀損佔百分之七十，總計損失當達數百萬美金。（哈伐那三十日哈瓦斯電）

誌 哀

本會會員兼第六七八三屆理事前中央研究院氣象研究所天氣預報員沈孝鳳先生，于本年四月五日在德病故。其尊翁年已望六，痛獨子之客死異邦，悲弱媳之撫孤維艱（孝鳳先生身後遺一妻三子）鬱積致病，竟于上月下浣長隨乃子於地下矣。父子後先逝世，相隔不過半載，悲夫！

本會會員前中央研究院氣象研究所測候生吳悟涯先生因積勞致病，于七月二十七日歿于瑞安故里，身後遺妻一子女各一。